

23. april 2002

UPA 2002/18

**Inissianik attartorneq pillugu Inatsisartut peqqussutaata allanngortinneqarneranik  
Inatsisartut peqqussutissaattut nr. xx, xx. xx 2002-imeersussatut siunnersuut**

**pillugu**

**Inatsisartut Attaveqarnermut Pilersuinernullu aamma Ineqarnermut Ataatsimiititaliaata**

**ISUMALIUTISSIISUTAA**

**Aappassaanneerinissamut saqqummiunneqartoq**

Inatsisartut Attaveqarnermut Pilersuinernullu aamma Ineqarnermut Ataatsimiititaliaat suliarinninnermini ukuningga inuttaqarpoq:

Inatsisartuni ilaasortaq Godmand Rasmussen, Atassut, siulittaasoq  
Inatsisartuni ilaasortaq Tommy Maru, Siumut, siulittaasup tullia  
Inatsisartuni ilaasortaq Per Rosing-Petersen, Siumut  
Inatsisartuni ilaasortaq Ole Lyngø, Inuit Ataqatigiit  
Inatsisartuni ilaasortaq Mogens Kleist, Kattusseqatigiit

UPA 2002-imi siullermeerinninerup kingorna Inatsisartut Attaveqarnermut Pilersuinernullu aamma Ineqarnermut Ataatsimiititaliaata siunnersuut nassuiaatitai ilanngullugit misissuataarpaa .

Ataatsimiititaliap isumaqatigiittup peqqussutissatut siunnersuummik saqqummiussinermi tunngavigineqartut tamakkiisumik taperserpai, tassuunakkummi namminersortut inissianik pilersuinerisa annertusarneqarnissaata nalinginnaasumik anguniarneqarnerani attartortut piginnaatitaaffiisa qulakkeerunneqarnerat naqissuserneqarmat.

Ataatsimiititaliap iluarisimaarlugu maluginiarpaa attartortut, piginneqatigiilluni inissiatillit peqatigiiffiini piginnittulluunniit peqatigiiffiini peqataanissamik kissaateqanngitsut, inissiamik taamaaqqaatanik neqeroorfigineqarnissaannik Namminersornerullutik Oqartussat kommunillu siunnersuutikkut pisussaaffilerneqarmata.

IA-p saqqummiussissummini tikkuarpaa allannguutissatut siunnersuutip kalaallisoortani qallunaatoortaanilu arlalitsigut assigiinngissuteqartoqartoq.

Ataatsimiititaliap Naalakkersuisunut kaammattuutigissavaa kalaallisuuata qallunaatuuatalu imminnut naapertuuttuunissaat anguniarlugu kukkunerit naqqiissuteqarfigeqqullugit.

Ataatsimiititaliap isumaqatigiittup siunnersuutip akuersissutigineqarnissaa inassutigaa.

Taama oqaaseqarluni Inatsisartut Attaveqarnermut Pilersuinernullu aamma Ineqarnermut Ataatsimiititaliaata siunnersuut aappassaaniigassanngortippaa.

Godmand Rasmussen,  
Atassut

Tommy Maru, Siumut  
siulittaasup tullia

Per Rosing-Petersen,  
Siumut

Ole Lynge, Inuit  
Ataqatigiit

Mogens Kleist,  
Kattusseqatigiit